

黃安縣志卷之

知黃安縣事 朱錫綬 主輯 胡承組



藝文志上

安邑自前明以來各公鉅卿後先輝映制誥之頒稱
盛典焉然而龍章鳳綉不尙鋪張丹誥黃麻非無故
實書之天府名義凜然一字之褒實千秋之鑑矣志
制誥

明以吳琳爲吏部尙書誥 洪武三年

黃安縣志

藝文卷上

制誥

誥曰惟古帝王之治天下在於得人才然人才實由
於銓選朕所以於吏部之職必擇器識公明者居之
爾琳學術旣醇踐履尤正事朕由博士陞僉憲克振
風紀及貳漕臺國課以辨昇居記注獻納爲多茲用
陞長天官以掌銓衡之重爾其量材而授官計功而
考能使賢愚有別而黜陟合宜庶克稱朕爲官擇人
之意可

諭吏部尙書詹同 洪武四年

吏部者衡鑑之司鑑明則物之妍媸無所遁衡平則

物之輕重得其當蓋政事之得失在庶官任官之賢否由吏部任得其人則政理民安任非其人則瘵官曠職卿等居銓衡之任宜在公平以別賢否

命詹同以翰林院學士致仕勅

洪武七年

勅曰朕起布衣提三尺劍總率六師以拯民艱延攬英雄以圖至治凡二紀於茲曩者親征武昌平陳之日爾同以文學之美從朕同遊厥後授博士起居注學士皆舉其職又長吏部辨人才之賢否審職任之輕重咸得其宜今年雖已邁猶輸誠效謀迄無少怠

黃安縣志

藝文卷九

制誥

二

可謂賢也已朕不忍以爾耄年服役奔走特命以翰林學士致仕爾惟欽哉

命右僉都御史鄒來學提督京東軍務勅

正統十四年

勅曰蘇州林南等倉山海等衛所永平等府州縣喜峯等關口收支糧草作弊侵欺其屯田侵占欺隱遵化靈山地產榛實豪右亦多據之與小民爭利今特命爾往蒞其事若姦頑怙終不悛者究治爾宜廉潔公勤凡事從宜區畫務使兵民利便糧餉充盈庶副委托之重迤北一路不許將弓箭軍器出關交易違

者治之不貸

授會州衛經歷司經歷吳紹徵仕郎周氏林氏孺人勅
成化二十年

勅曰國家衆設兵衛以分理軍政世襲武臣以處長貳而其幕職則必得儒流乃克有濟爾會州衛經歷司經歷吳紹釋褐成均綜理衛幕歷任旣久勤慎可嘉是用進爾階徵仕郎錫之勅命以爲爾榮其益盡乃心毋怠厥職欽哉

勅曰夫婦人倫之始故朝廷推恩羣臣命必及之而

黃安縣志

藝文卷九

制誥

三

何間於存歿哉爾會州衛經歷司經歷吳紹妻周氏克相其夫溘然早世茲特贈爲孺人命服之華永慰冥漠

勅曰國家推恩臣下而必及其室家所以厚人倫之本也爾會州衛經歷司經歷吳紹繼室林氏恪謹婦道允宜厥家茲特封爲孺人服此榮恩毋忘敬戒

諭祭右僉都御史耿金恭人秦氏文
萬曆八年

制曰惟爾蓄德在躬韜光未試爰及厥配媲美相成篤生嗣賢游躋庸顯褒綸屢被祿養方崇宜壽考之

駢臻胡音容之永隔茲頒諭祭用示優恩幽靈有知
尙其歆服

授雲南道監察御史耿定向文林郎彭氏孺人勅

嘉靖四十二年

勅曰國家設御史以秉憲度振風紀爲耳目之官而
又簡學行兼茂者董畿輔之學政其任至重也匪得
其人曷克稱焉爾雲南道監察御史耿定向問學閎
深志行端介以明經高第馳譽使垣擢列憲臺驟聞
忠牘比巡藩服茂著風裁乃命爾董學政於南畿崇

黃安縣志

藝文卷九上

制誥

四

雅黜浮士習丕變允稱師模之任悅於朕心茲以三
載奏績特授爾階文林郎錫之勅命夫鑑以明故可
正容繩以直故可形枉今爾居紀綱之司約已飭躬
惟明惟直以敷教作人俾賢才彬彬彙征足爲國家
之用是朕所望於爾者欽哉

勅曰人臣克秉忠勤以功業自奮者必本之賢助故
國家䟽榮錫命旁及中閨嘉相成也爾雲南道監察
御史耿定向妻彭氏淑柔貞靜壺教夙閑勤儉宜家
儆戒在位卽爾大之克祗厥敘罔恤於私可以知其

賢而能助矣茲特封爾爲孺人仰承休命尙敦懿修
授都察院右僉都御史耿定向中憲大夫彭氏恭
人制 萬歷七年

制曰朕承歡慈極錫慶廷僚瞻中臺風紀之司蜚聲
惟舊而南國保釐之寄簡畀方新宜霈褒綸用昭寵
渥爾原任都察院右僉都御史協理院事耿定向性
資鯁介學蘊宏深自奮跡賢科宣勞使命列烏臺而
執法雅志澄清叅棘署以平刑夙稱明恕暨廻翔外
服而還秩內廷游躋卿寺之榮爰陟中丞之重爾能

黃安縣志

藝文卷九上

制誥

五

樹表儀以貞百度端架範而肅羣僚卽履家艱不殊
朝列頃從召起例得推恩是用授爾階中憲大夫錫
之誥命於戲專席擁旄均屬紀綱之任誥戎飭吏允
資文武之才勉旣乃心益祗厥敘尙有崇陟以答忠
勞欽哉

制曰惟羔羊正直之節能閑有家惟雞鳴儆戒之賢
克贊在位恩必隆於並逮義實取其相成爾都察院
右僉都御史協理院事耿定向妻封孺人彭氏夙以
士女嬪於儒流順正不違恪守矜聲之訓儉勤無斁

動遵圖史之規壺範聿脩官常攸賴是用加封爾爲
恭人增翟芾之光華樹閨闈之懿則

授刑部左侍郎耿定向通議大夫贈恭人彭氏淑

人制 萬歷十五年

制曰朕欽慎祥刑簡需邁德明罰勅法旣深歲閱之
勞進律酬庸宜霈廷綸之寵發章具在渥命爰申爾
刑部左侍郎耿定向貞操達識邃學宏才甲第蜚英
使垣效節揀居辟省有激揚謇諤之規擢副理司壺
明允綜詳之譽雖抗節中乖於當路而追鋒再踐於

黃安縣志

藝文卷九上

制誥

六

亨途尙壘罔卿後先綿歷中丞督撫內外更敷肆勇
退於急流益蔚懸乎雅望起叅憲府晉貳秩官而爾
本明清敬懇之衷郵罰麗事持忠厚老成之度飭律
求情邦禁以平民風攸賴聿成最績曷靳優恩茲特
授爾階通議大夫錫之誥命於戲臯陶時懋乃功贊
虞帝協中之治蘇公敬爾由獄開周家仁壽之基尙
其愈篤忠貞永追遐矩庶邁爾勞而弗替茲承令問
於有終欽哉

制曰國家優敘勞臣宏推渥典念其閨閣之有助而

錫之寵榮雖其音容之已遐而不忘愍卹爾刑部左侍郎耿定向妻累封恭人彭氏秉德柔嘉提身淑慎相夫君而有俶敦家政以惟雍今圖史之芳規宛然猶在宜絲綸之顯秩賁爾如生茲特贈爾爲淑人尙歆三命之崇允紹二南之化

諭祭戶部尙書耿定向文

萬歷二十四年

制曰惟卿學遡淵源德成閎遠歷官四紀著績三朝白簡輸忠操尤堅於遠謫清標樹節聲屢振於中臺人歸巖石之瞻士重斗山之仰初崇八座遽卧二邱

黃安縣志

藝文卷九

制誥

七

有尙友古人之風懷獨爲君子之耻方資表正何遽淪亡良配偕藏遺靈不泯宜頒寵祭尙克歆承

諭葬戶部尙書耿定向文

萬歷二十四年

制曰惟臣先朝耆碩後進表儀德彌劭於年高名益彰於身沒悲生朝野惜夜壑之遽扃祭備榮哀慰冥魂於如在

贈戶部尙書耿定向太子少保謚恭簡誥命

萬歷二十四年

制曰大臣匡世之功每踰時而益顯昭代勸賢之典

雖沒世而猶隆國有彝章朕不敢廢爾戶部尙書耿定向性資端亮學識閎深持白簡以繩違範青衫而有造澄冰朗玉洞流略之精微大敦清鏞識典刑之髣髴急推賢獎善之誼懷憂國愛君之心頃思得人而襄天步之安乃由執法而畀地卿之任功成身退望彌重於具瞻憲老乞言政尙須於八告豈謂飾終之請在予求舊之時世咸悼其云亡朕可徵於愍卹茲特贈爾太子少保謚恭簡錫之誥命於戲推恩進秩升華青禁之班節惠尊名加賁黃扁之襚庶幾清

黃安縣志

藝文卷九上

制誥

人

爽不昧歆承

授工部屯田司主事耿定力承德郎朱氏安人勅

萬歷元年

勅曰朕惟古者寓兵於農其法廢已久屯田之制則稍寓農於兵以節縮軍饋所以佐國計寬民力甚鉅故冬官司田其屬未易任也爾工部屯田清吏司主事耿定力學紹家傳問揚廷對清勤敏茂克舉其官茲以覃恩用授爾階承德郎錫之勅命夫今之屯政弊甚矣內乾沒於貴勢而不檢外侵擾於羌夷而莫

救近雖屢飭其法而屢格不行朕甚慮之爾有正學之志則土田甲兵非儒者分外事也尙悉綜周謀以紆朕經遠之懷欽哉

勅曰夫雞鳴之戒恒情也而詩人咏之饋食之敬細事也而春秋載之則人臣室家交做之私其有錄於公朝宜矣爾工部屯田清吏司主事耿定力妻朱氏婉淑能從以相內政爾夫學不弛業官不違箴爾先後之也是用封爾爲安人祇膺並命之榮益茂相成之德

黃安縣志

藝文卷九上

制誥

九

授成都府知府耿定力中憲大夫安人朱氏恭人

誥 萬歷十四年

制曰朕嘉古政平訟理之風思與良二千石共臻斯路惟川蜀之區夙稱險巨而省會之郡尤屬煩難匪得雋賢曷膺殊簡爾四川成都府知府耿定力貞操雅度朗識宏猷甲第蜚英卽曹列秩士望允孚於積歲官階特借乎專城肆起家艱再司邦寄而爾才優刃解守勵冰清政簡惠孚民懷吏畏可謂郡國之選已茲以歲滿特授爾階中憲大夫錫之誥命於戲惟

生民之命脉係於守牧朕既錄爾之舊勞惟朝廷之紀綱表於臬司朕方畀爾以新命尙勵忠勤之節允光迪訓之詞欽哉

制曰自昔周南大夫其妻以采蘋之賢而佐羔羊之節朕嘗嘉之肆旌勸之典可獨遺於厥配哉爾四川成都府知府耿定力妻封安人朱氏母訓夙閑閨婺允迪克勤而儉以贊富常宜承從爵之褒庶表宜家之範茲特加封爾爲恭人祇象服之孔華勵雞鳴而匪懈

黃安縣志

藝文卷五

制誥

十

授都察院右僉都御史耿定力中憲大夫贊治尹

朱氏恭人制

萬歷三十二年

制曰陪京國家豐鎬並設中臺長江襟帶東南特開軍府睠茲重寄必藉壯猷非有崇褒曷彰懋績爾提督操江兼管巡江南京都察院右僉都御史耿定力學富淵源才空湖海制科奮跡卽署宣猷兩郡播循良之聲八閩歌樂育之惠爰忝藩服八副奉常歷貳銀臺簡鎮南服而爾赤忠擘畫精白激揚肅令簡師除戎設候舳艫啣尾波澄牛渚之宮旌旆搖雲天塹

龍江之渡軍實討而南國旣鞏偏師濟而西陲亦清
旣奏膚功宜更新命是用授爾階中憲大夫贊治尹
錫之誥命於戲外寧內憂方軫豐萌之戒有備無患
宜深桑土之謀益輸幹濟之猷用副樞衡之託

制曰闔外持衡式布安攘之烈闈中捧玉用襄文武
之猷旣奏臺庸宜更綸命爾提督操江兼管巡江南
京都察院右僉都御史耿定力妻先封安人又封恭
人朱氏珩璜比潤圖史爲儀出自華宗歸於各士相
夫子以從官周旋中外秉婦順而佐饋拮据初終瞻

黃安縣志

藝文卷九

制誥

十一

茲周南鎖鑰之功益覩江漢琴瑟之化是用仍封爾
爲恭人翟蕩游加象服旣加於三錫蘋蘩矢志雞鳴
無替於一心

諭祭兵部侍郎耿定力文

萬歷三十五年

制曰惟爾操修慎密氣度冲恬粉署蜚聲黃堂著績
教旣敷於多士望尤峻於清卿迨建節以佐臺風行
畿甸遂貳樞而奮武兵戢潢池方資豐水之長城遽
痛峴山之短碣瞻惟盡瘁良用盡傷祭壘並頒爾靈
歆服

贈兵部侍郎耿定力戶部尚書誥命

萬曆三十五年

制曰留樞貳卿厥任惟重有如威望素孚生資彈壓
沒貽典刑其所風軌遠已爾原任南京兵部右侍郎
耿定力操履端貞才猷敏練卽曹懋慎勤之績治郡
起卓異之稱擢典文衡允推朗鑑繼忝藩政尤著清
修逮卿寺之游颺遂留臺之久借兼開牙纛晉副戎
樞指顧風清旣覘江洋之久謐威凌霜肅旋看戎莽
之潛夷內外歷仕兩朝始終惟堅一節宣茲偉烈未
需恩褒奏最方聞計哀踵至良足悼已是用贈爾爲

黃安縣志

藝文卷九上

制誥

三

南京戶部尚書錫之誥命於戲文綏武振折衝素裕
乎五兵公望卿材模楷允宜乎八座歆茲寵綽賁爾
幽局

授禮部儀制司主事彭遵古承德卽妻胡氏安人

勅 萬曆二十八年

制曰昔唐史稱李珣爲儀曹特推清廟之器蓋南宮
華秩式資時秀朕茲歲月而優叙之惟年勞是視蓋
其重也爾禮部儀制清吏司主事彭遵古經術名家
廷掄俊望抗章得罪薄譴賜環起之膠序之間遂入

成均之署歷試茲久乃簡清班而爾亮節孤高冲夷
恬遠識從世練地與各高由客部以升華佐秩宗而
匪懈茲當考績特授爾階承德郎錫之勅命夫國家
禮文之事詳在令甲非行之難爲人實難爾公忠自
許亦無忝寅直之司矣夔龍之選豈異人任勉持厥
美摹之昔賢朕且有顯昇焉

勅曰夫琴瑟靜好體相儷而道相成士所爲夙夜在
公未有資其敬助而不偕之榮寵者爾禮部儀制清
吏司主事彭遵古妻胡氏夙承女訓來嬪儒英清約

黃安縣志

藝文卷九上

制誥

三

自甘拮据共勵旣偕華路彌贊素風無慚雜佩之勤
有美溪毛之薦眷儀曹之奏績宜閨閣之同褒是用
封爾爲安人丕昭象服之光益引鵲巢之福

授戶部右侍郎周思敬通議大夫妻王氏李氏淑
人勅萬歷二十五年

制曰地官有貳佐厥長所以佐王天物無私裕乃猷
斯能裕國憬予懋賞視爾成勞爾戶部右侍郎周思
敬學探本始行尙真純自贊起曹屢更劇任流使星
於數道化洽懷棠省卿月於兩都功垂衣藻爰泰水

部載貳版曹洞曉物情習知民隱事從先甲志協同
寅有無共酌於苦心出入必防其甘口用禪邦計罔
乏軍興奏績旣成疏恩可後茲授爾階通議大夫錫
之誥命今天下民窮財盡八少出多三十年之通計
謂何五百萬之邊儲未已矧海氛之告惡卽山積以
難支賴爾老成爲予宏濟成利國不言之利益懋前
猷論功人轉餉之功行膺後命欽哉

制曰倫昭儷升誼寔齊於賓友我綏子佩盟夙重於
室家肆褒司版之良臣必及授綬之元配爾戶部右

黃安縣志

藝文卷九上

制誥

十四

侍郎周思敬妻贈安人王氏毓自名宗嫻於內則管
筐無遂惟佐餼以脩虔琴瑟方諧乃絕絃之遘閔追
惟往勸宜服新恩茲加贈爾爲淑人龍章載賁乎幽
阡象服永光乎遺玦

制曰重臣體國功克集於含章淑媛宜家化式襄於
主利旣篤相成之誼宜隆並貴之恩爾戶部右侍郎
周思敬繼妻封安人李氏揚蕤女士儷美人英異順
承前修潔有嚴於錡金坤真居後服勤無改於縞綦
功著外成恩宜內逮茲加封爾爲淑人游升藿禕之

華永守鵲巢之範

授廣東道監察御史周家棟文林郎妻羅氏孺人

勅 萬歷三十年

勅曰朕以天下爲車以法度爲銜勒而以風紀之臣爲之御御史者非所謂風紀之臣與得其人則法度肅而天下治不得其人則法度廢而天下亂然則其任至重未易稱也爾廣東道監察御史周家棟性開心遠學邃猷長早歲登朝芳標蓋世爰起家於花縣遂珥筆於柏臺而爾持操如弦洗心似水入執簡於

黃安縣志

藝文卷九上

制誥

五

柱後出理離於海邊皆以蹇直著稱澄清流問朕甚嘉之茲特以覃恩授爾階文林郎錫之勅命夫今之天下雖曰治安然而吏少奉公之節士多養驕之風比周之跡已彰尙矜介持由徑之跡漸露猶謂貞方朕甚耻焉茲欲一道以同風惟爾揚清而激濁

勅曰御史簪筆侍朕進思盡忠退思補過方其退也必得內賢恬安乃無逸思爾廣東道監察御史周家棟妻封孺人羅氏褻躬儉謹秉度溫純顯約無違侶隨交結蓋婦人無儀其爲儀也大矣爾夫以皂囊馳

譽有以也茲仍封爾爲孺人尙益飭其容功將永同其福祿

授順天府通判承德卽耿應昌安人韓氏安人劉氏勅 天啟六年

勅曰朕綜核吏治欲作民庸念緊望亦有從事之司而京師尤爲四方之極故判馮翊者必才誠卓茂其慎茲選也爾順天府通判耿應昌褻躬靡懈服采維勤展驥足於題輿試鴻圖於駮駕羣空冀北五花之剖決如流價重荆南三輔之奠安攸繫以全材而昇

黃安縣志

藝文卷九

制誥

六

重地賴有斯人繇半刺而縮通綸繫惟異日數馬而識朝廷之富理財而裕軍國之需貽厥孫謀景仰三朝舊碩繩其祖武威名千里神京周集箕弓表治之休適叶風虎雲龍之會茲授爾爲承德卽益勵廉能之節愈堅愛戴之心如古之渤海漁陽誠所稱黽勉任職者矣彼猶然外郡也况處輦轂之旁尤朕所式憑者乎詩曰柔遠能邇以定我王爾其念之朕有顯擢

勅曰鳴鴈之音宜家攸繫儆雞之佐沒世不忘是以

慢服致警於昔賢悼亡鍾情於篇什苟生榮之不逮
撫袿悅者詎無遺沓之思乎爾順天府通判耿應昌
妻韓氏毓自德門嬪於名閥孝思根之天植女德備
乎坤貞曳縞揚儺玉之輝河山式度贄棗潔湘蘋之
薦沼沚尸齊用襄震且於明星克贄象賢之濟美簾
旌初掛寶鏡空懸念此音徽可忘寵賜茲贈爾爲安
人元壤榮日月之光綸綉耀松楸之色

勅曰古之廉吏以帷帳器務悉付外庭而其家安焉
固知砥節矢公不獨丈夫之概亦佐閫者之備士行

黃安縣志

藝文卷九上

制誥

七

而嫻士才也爾順天府通判耿應昌繼妻劉氏乃南
京吏部尙書劉采之孫女毓秀名門作嬪吉士陳詩
式史夙稟鄭康成之義方粉悅芳袿早閑謝太傅之
內則敬戒無違夫子仁讓宜其家人秉儉而盡屏鉛
華襄廉而躬先縞素固能贄羔羊以著節自宜錫木
鳳以䟽榮茲封爾爲安人月綸賁龍袞之光令德祇
翟珈之寵

授員外郎趙教并妻梁氏安人勅

勅曰國家五兵分領於樞府而大司馬則總其政簡能